

Nesta guía poderás atopar información sobre:

- Protocolo COVID-19 do noso Centro
- Persoal
- Comunicación
- Titulacións impartidas no Centro
- Traballos fin de grao e fin de máster
- Organización docente
- Plan de acción titorial dos Graos en Economía e ADE
- Prácticas en empresas e institucións
- Programas de mobilidade
- Actividades complementarias á docencia
- Mellora continua e xestión da calidade
- Instalacións
- Seguridade e plan de evacuación
- Biblioteca
- Servizo de reprografía
- Cafetería-Comedor
- Horarios



FACULTADE DE CIENCIAS ECONÓMICAS
E EMPRESARIAIS

GUIA DE ESTUDANTES



Enderezo: Avda. do Burgo, s/n. Campus Norte
15782 Santiago de Compostela

Teléfonos: Conserxería 881811513/881811726
Decanato 881811504

Correo electrónico: ecoade.decanato@usc.es

Páxina web: <https://www.usc.gal/gl/centro/facultade-ciencias-economicas-empresariais>

Protocolo COVID-19

Este ano vivimos unha circunstancias particulares debidas á situación sanitaria. Para poder garantir un espazo de docencia o máis seguro posible, pedímosvos a vosa colaboración seguindo o **Protocolo Covid-19 disposto pola USC** ([Protocolo para a xestión de casos COVID na USC](#)) e pola nosa Facultade (proximamente na web do Centro). Nese sentido é fundamental que leades as indicacións da USC para o inicio de curso que a Universidade preparou para vós ([Guía de actuación fronte á COVID-19 da USC](#)).

Tendo en conta todo o anterior, solicitamos a vosa colaboración nos seguintes puntos:

1. Usade máscara cubrindo nariz e boca en todos os espazos do Centro
2. Evitade as aglomeracións tanto dentro do centro como nas entradas e saídas do mesmo.
3. Responsabilizádevos, conxuntamente co profesorado, da ventilación da aula, en particular un mínimo de 15 minutos entre clase e clase.
4. Entrade e saíde do Centro exclusivamente polos accesos habilitados para ese fin, seguir sempre os itinerarios recomendados (circulación pola dereita) e respectar o sentido de marcha das escaleiras.
5. No caso de que vos atopedes mal mentres estades no centro, dirixídevos á sala covid habilitada no centro e seguides as instrucións que alí se indican.

Ademais, facémosvos as seguintes recomendacións:

6. Entrar na aula antes de que chegue o profesor, ocupar sempre o mesmo posto durante a mesma quenda se é posible e límpalo antes de ocupalo co material que tereades á vosa disposición.
7. Reducir o posible a mobilidade dentro do Centro
8. Pedir cita a través do correo electrónico ou o teléfono para as túas titorías co profesorado ou trámites co persoal de administración.

Ademais, recordámosche que **DEBES COMUNICAR INMEDIATAMENTE ao SERGAS ou ao teu centro de saúde** no caso de experimentar síntomas compatibles coa COVID-19. A continuación debes comunicarte coa **Oficina Covid da Universidade** a través de info.coronavirus@usc.gal ou no teléfono **8818- 11111** para activar o seguimento e control do caso, en colaboración coas autoridades sanitarias.

Teléfono COVID USC: 881 811 111 (Ext: 11111)

Correo COVID na USC: info.coronavirus@usc.gal

Sala Covid no Centro: Aula 31 (1º Andar, escaleiras próximas aulas 7 e 8)

Persoal

Equipo decanal

- Decano: Xoán Ramón Doldán García. (Decanato 11504 e Despacho 212 . Ext. 11569) ecoade.decanato@usc.es; xoan.doldan@usc.es
- Secretaria académica (responsable das convalidacións): M^a José Barcia Domínguez. Despacho 145. Ext. 11542. sesi.barcia@usc.es
- Vicedecana de Calidade e Xestión Económica: Romina García Chas. Despacho 316. Ext. 11712. romina.garcia@usc.es
- Vicedecana de Estudantes e Relacións internacionais (responsable de mobilidade): Pilar Murias Fernández. Despacho 207. Ext. 11584. mdelpilar.murias@usc.es
- Vicedecana de Docencia e Titulacións: Ángela Troitino Cobas. Despacho 159. Ext. 11556. angela.troitino@usc.es
- Vicedecana de Relación coas Empresas e Institucións (responsable das prácticas en empresas): Rosario Vidal Lopo. Despacho 309. Ext. 11613. mdelrosario.vidal@usc.es
- Secretaria administrativa: Elena Lancho Rodríguez. Decanato. Ext. 11504. ecoade.decanato@usc.es

Profesorado

Podes encontrar unha listaxe do profesorado do Centro con información sobre o seu correo electrónico e extensión telefónica na páxina web da facultade:

<https://www.usc.gal/gl/centro/facultade-ciencias-economicas-empresariais/directorio>

Coordinadores

Coordinadora grao en Economía: Rosario Díaz Vázquez	Coordinador Grao ADE: José Manuel Maside Sanfiz
Coordinadores por curso:	Coordinadores por curso:
1º Economía: Pedro Varela Vázquez	1º ADE: Pablo Durán Santomil
2º Economía: Pilar Freire Esparís	2º ADE: Leandro Benito Torres
3º Economía: Eva Aguayo Lorenzo	3º ADE : Xulia Guntín Araújo
4º Economía: Rosa M ^a Regueiro Ferreira	4º ADE: M ^a Concepción Varela Neira

Biblioteca

No mostrador da Biblioteca podes facer as consultas e solicitar os servizos que precisas (ext. 11510). O director da Biblioteca é José Rodríguez Dopazo (jose.rodriguez.dopazo@usc.es; ext. 11507).

Unidade de apoio á xestión

Existe unha unidade de apoio á xestión administrativa e económica da Facultade. O seu responsable é Miguel Usón Pérez (Despacho detrás da Conserxería, ext. 11663, ecoade.uaxcd@usc.es).

Conserxería

Na Conserxería poderás atopar persoal disposto a resolver as túas dúbidas e consultas (Ext. 11513 e 11726).

COMUNICACIÓN

Correo electrónico institucional

Cando te matriculas na USC terás unha conta de correo institucional nome.apellido@rai.usc.es cun contrasinal que deberás empregar na meirande parte dos trámites que realices a través da rede:

- **Vía de comunicación ca comunidade universitaria:** esta conta será a única recoñecida pola USC para o envío de correo electrónico á comunidade universitaria, concretamente será a forma habitual pola cal o profesorado se poñerá en contacto contigo e verás actividades e comunicacións das materias. Poderás acceder ao teu correo electrónico dende calquera dispositivo no enderezo <http://www.usc.es/es/servizos/atic/correo/acceso.html> e toda a información relativa ao seu uso está dispoñible en <http://www.usc.es/gl/servizos/atic/rai>

Lembra revisar con frecuencia o teu correo electrónico institucional (nome.apellido@rai.usc.es)!!!

- **Vía de acceso á rede informática do Centro e da USC,** precisarás o correo electrónico e o contrasinal, se o esqueces poderás solicitar un novo na conserxería do Centro. Tes toda a información que precisas no titorial da biblioteca da facultade http://www.usc.es/export9/sites/webinstitucional/gl/servizos/biblioteca/busc/centros/econempresa/descargas/Trxptico_rede_USC.pdf
- **Secretaría virtual.** Toda a información relativa á xestión académica atoparala na túa secretaria virtual. Neste servizo poderás realizar os trámites administrativos relacionados coa matrícula.

- **Campus virtual.** A USC dispón dun **Campus Virtual**, plataforma web de apoio á docencia. Pódese acceder co mesmo nome de usuario/a e contrasinal de RAI no enderezo <https://cv.usc.es> onde se indican as e-aulas das materias. Para solucionar calquera problema de acceso, débese encher o formulario de consultas dispoñible en <https://www.usc.gal/es/servizos/ceta/>.
- Coa túa conta tamén terás **acceso á plataforma de Office 365**, desta forma terás a posibilidade de usar todas as aplicación de Office de maneira virtual e dende calquera ordenador.
- **Via de acceso á rede wifi da USC eduroam.** Eduroam é a rede sen fíos para usuarios tanto dentro da USC como noutras universidades ou organismos adheridos a este sistema. Toda a información para darse de alta en : <https://www.usc.gal/gl/servizos/atic/rede/senfios/eduroam/index.html>

Páxina web da Facultade: Na páxina web do Centro atoparás toda a información académica (distribución de grupos, horarios, TFG, ...)

<https://www.usc.gal/gl/centro/facultade-ciencias-economicas-empresariais>.

Recorda que moita da información de interese se atopará na **intranet**, con acceso só para os membros da nosa comunidade universitaria. Para entrar, precisarás as túas credenciais da USC.

Taboleiros. Existen diferentes taboleiros distribuídos pola facultade:

No situado na entrada do Centro poderás consultar os horarios de clase.

Na entrada da facultade podes atopar o taboleiro cos horarios e na parede lateral da Aula A podedes atopar os taboleiros de Mobilidade e Prácticas en Empresas.

No corredor da cafetaría existen taboleiros que se dedican a información sobre másteres, programas de doutoramento e asociacións estudantís.

Redes sociais da facultade. A facultade está presente en:



A través das nosas redes, poderaste informar de todo o que acontece na Facultade, atopar ofertas de emprego ou formación e tamén empregala como vía de contacto co antigo alumnado que poderá ser un referente importante no deseño da túa carreira profesional.

<https://www.linkedin.com/school/facultade-de-ciencias-economicas-e-empresariais-usc/>

<https://twitter.com/ecoadeusc?lang=es>

<https://www.instagram.com/ecoade.usc/>

https://www.youtube.com/channel/UCNyJ_vKlbGk6GBHFIG1Tzg

<https://www.instagram.com/ecoade.usc/>

Titulacións

Na Facultade impártense o Grao en Administración e Dirección de Empresas e o Grao en Economía. Tamén se imparte formación para postgraduados, 5 másteres oficiais e 3 másteres propios. A continuación encontrarás a información básica sobre os mesmos.

Grao en Administración e Dirección de Empresas (ADE)

O Grao en ADE estrutúrase en 240 créditos distribuídos en 4 anos:

PRIMEIRO ANO ACADÉMICO	
Primeiro Cuadrimestre	Segundo Cuadrimestre
Fundamentos de Dirección de Empresas (6 ECTS)	Microeconomía I (6 ECTS)
Principios de Economía (6 ECTS)	Dereito da Empresa (6 ECTS)
Estrutura Económica Mundial (6 ECTS)	Estatística Empresarial I (6 ECTS)
Historia Económica (6 ECTS)	Introdución á Contabilidade (6 ECTS)
Matemáticas Empresariais I (6 ECTS)	Matemáticas Empresariais II (6 ECTS)
SEGUNDO ANO ACADÉMICO	
Primeiro Cuadrimestre	Segundo Cuadrimestre
Contabilidade de Custos (6 ECTS)	Contabilidade Financeira I (6 ECTS)
Análise das Operacións Financeiras (6 ECTS)	Fundamentos de Comercialización (6 ECTS)
Macroeconomía (6 ECTS)	Fiscalidade Empresarial I (6 ECTS)
Estatística empresarial II (6 ECTS)	Política Económica (6 ECTS)
Estrutura Económica de España e de Galicia (6 ECTS)	Microeconomía II (6 ECTS)
TERCEIRO ANO ACADÉMICO	
Primeiro Cuadrimestre	Segundo Cuadrimestre
Contabilidade Financeira II (4,5 ECTS)	Fundamentos de Xestión de Recursos Humanos (6 ECTS)
Estados Contables (4,5 ECTS)	Análise de Estados Financeiros (4,5 ECTS)
Fiscalidade Empresarial II (6 ECTS)	Organización da Producción (6 ECTS)
Socioloxía Económica (4,5 ECTS)	Dirección Financeira I (6 ECTS)
Econometría I (6 ECTS)	Econometría II (6 ECTS)
Dirección Comercial (6 ECTS)	-
CUARTO ANO ACADÉMICO	
Primeiro Cuadrimestre	Segundo Cuadrimestre
Dirección Financeira II (6 ECTS)	Traballo Fin de Grao (TFG) (6 ECTS)
Investigación Comercial (6 ECTS)	Materia(s) Optativa(s) *
Estratexia Empresarial (6 ECTS)	
Materia(s) Optativa(s) *	

(*) Ofértanse 16 materias optativas de 4,5 créditos cada unha. Dos 72 créditos optativos ofertados tes que cursar 36 créditos. Tamén podes cursar, como optativa, prácticas en empresas (6 créditos).

Coordinador do título: José Manuel Maside Sanfiz, josemanuel.maside@usc.es

Despacho: 311

Extensión telefónica: 11616

Grao en Economía

O Grao en Economía estrutúrase en 240 créditos distribuídos en 4 anos:

PRIMEIRO ANO ACADÉMICO	
Primeiro cuadrimestre	Segundo cuadrimestre
Matemáticas para economistas I (6 ECTS)	Matemáticas para economistas II (6 ECTS)
Estatística económica I (6 ECTS)	Microeconomía (6 ECTS)
Principios de economía (6 ECTS)	Estructura económica mundial I (6 ECTS)
Dereito mercantil I (6 ECTS)	Historia económica mundial (6 ECTS)
Contabilidade xeral I (6 ECTS)	Administración de empresas (6 ECTS)

SEGUNDO ANO ACADÉMICO	
Primeiro cuadrimestre	Segundo cuadrimestre
Estatística económica II (6 ECTS)	Macroeconomía II (6 ECTS)
Macroeconomía I (6 ECTS)	Microeconomía I (6 ECTS)
Contabilidade xeral II (6 ECTS)	Estructura económica mundial II (6 ECTS)
Dereito mercantil II (6 ECTS)	Socioloxía (6 ECTS)
Modelos matemáticos para a economía (6 ECTS)	Historia económica de España contemporánea (6 ECTS)

TERCEIRO ANO ACADÉMICO	
Primeiro cuadrimestre	Segundo cuadrimestre
Econometría I (6 ECTS)	Econometría II (6 ECTS)
Política económica I (6 ECTS)	Desenvolvemento rexional e desenvolvemento local (6 ECTS)
Facenda pública: Ingresos e gastos (6 ECTS)	Estructura económica de Galicia (6 ECTS)
Estructura económica de España e da UE (6 ECTS)	Análise económica internacional (6 ECTS)
Microeconomía III (6 ECTS)	Historia económica de Galicia (6 ECTS)

CUARTO ANO ACADÉMICO	
Primeiro cuadrimestre	Segundo cuadrimestre
Política económica II (4.5 ECTS)	Sistema fiscal español: fiscalidade empresarial (4.5 ECTS)
Federalismo fiscal (4.5 ECTS)	Traballo fin de grao (TFG) (6 ECTS)
Sistema fiscal español (4.5 ECTS)	Materias optativas (*)
Materias optativas (*)	

(*) Ofértanse 12 materias optativas de 6 créditos cada unha. Dos 72 créditos optativos ofertados tes que cursar 36 créditos. Tamén podes cursar, como optativa, prácticas en empresas (6 créditos).

Coordinadora do título: María del Rosario Díaz Vázquez, rosario.diaz@usc.es

Despacho: 332

Extensión telefónica: 11603

Másteres oficiais

Na Facultade pódense cursar os seguintes másteres oficiais:

- Máster Universitario en Desenvolvemento Económico e Innovación (DEIN)
<https://www.usc.gal/gl/estudos/masteres/ciencias-sociais-xuridicas/master-universitario-desenvolvemento-economico-innovacion>
- Máster Interuniversitario en Economía
<https://www.usc.gal/gl/estudos/masteres/ciencias-sociais-xuridicas/master-universitario-economia>
- Máster Universitario en Dirección de Empresas (MBA)
<https://www.usc.gal/gl/estudos/masteres/ciencias-sociais-xuridicas/master-universitario-direccion-empresas>
- Máster Universitario en Dirección e Xestión Contable e Financeira (DIXECOFI)
<https://www.usc.gal/gl/estudos/masteres/ciencias-sociais-xuridicas/master-universitario-direccion-xestion-contable-financeira>
- Máster Universitario en Turismo Urbano e Xestión de Empresas Turísticas
<https://www.usc.gal/gl/estudos/masteres/ciencias-sociais-xuridicas/master-universitario-turismo-urbano-xestion-empresas-turisticas>

Másteres propios

Tamén se poden cursar os seguintes másteres propios:

- Máster en Dirección e Xestión do Comercio Exterior.
<https://www.usc.es/gl/centros/cep/posgrao/curso.html?tcurso=2&idc=664&anoAc=2021-2022>
- Máster en Marketing Dixital.
<https://www.usc.es/gl/centros/cep/posgrao/curso.html?tcurso=2&idc=704&anoAc=2021-2022>

Traballos Fin de Grao e Traballos Fin de Máster

O Traballo Fin de Grao (TFG) e o Traballo Fin de Máster (TFM) supoñen o paso final de cada unha das etapas de estudos. Poderás encontrar a información sobre o seu desenvolvemento (formatos, guía docente, calendarios de presentación e defensa...) na páxina web da Facultade. Tamén poderás asistir á sesión informativa sobre TFG ao comezo de cada curso (consulta a sección do plan de acción tutorial). Por outra banda resulta de gran axuda na elaboración destes traballos a realización previa dos cursos en competencias informacionais (nivel básico e nivel avanzado) que organiza a Biblioteca da Facultade.

No momento de matricularte no TFG téis que estar matriculado de todos os créditos restantes da titulación; debes telo en conta por se queres solicitar créditos derivados da realización de cursos, actividades ou idiomas.

As solicitudes de defensa presentaranse no prazo establecido a través da Secretaría Virtual onde se subirá o ficheiro en pdf do TFG.

Organización Docente

Programas das materias

Os programas das diferentes materias nos que se recollen obxectivos, contidos, bibliografía, sistema de avaliación etc. serán presentados nas aulas ao comezo do curso. Esta información está dispoñible tamén na páxina web da Facultade. É moi importante que coñezas o sistema de avaliación de cada materia xa que moitas das materias dos nosos planos de estudos establecen un proceso de avaliación continua que implica traballar de xeito continuado dende o comezo do curso.

Exames

As datas de realización dos exames oficiais son aprobadas por Xunta de Facultade e non se poderán modificar. Están dispoñibles nos taboleiros e na web da Facultade. Para realizar os exames oficiais deberás acudir identificado. Durante a realización dos mesmos está totalmente prohibido a utilización de teléfonos móbiles ou calquera outro dispositivo electrónico. Calquera tipo de conducta fraudulenta durante a realización dun exame será debidamente sancionada.

Autoría de traballos

O plaxio de traballos constitúe unha conducta inaceptable dende o punto de vista ético e academicamente rexeitable. A copia de traballos, sen referencia ás fontes, terá unha consideración similar a copiar nun exame. O profesorado que detecte cos medios dispoñibles que un estudante copiou un traballo, que presenta como propio, cualificará con suspenso ó estudante nesa materia nesa convocatoria e deberá notificalo ao Equipo Decanal para os efectos oportunos. Isto poderá levar consigo a apertura dun expediente informativo e/ou sancionador.

Horarios

Podes atopar os horarios dos diferentes cursos e grupos na páxina web da Facultade e tamén no taboleiro que se atopa preto da entrada principal da Facultade.

Distribución de Grupos

Cando unha materia teña máis dun grupo de docencia (expositiva ou interactiva), os estudantes matriculados distribuiranse de xeito preliminar entre os grupos de docencia por orde alfabética publicándose nos taboleiros e na páxina web do Centro. Asemade, publicarase a convocatoria de cambio de grupo que establecerá os prazos e procedementos para solicitar dito cambio.

Avaliación e normativa de permanencia da USC

Para continuar os estudos na USC debes superar como mínimo unha materia obrigatoria de primeiro curso ou 30 créditos nos dous primeiros anos académicos (15 créditos para matrícula a tempo parcial).

Para superar unha materia dispós de catro convocatorias nos graos ou dúas nos másteres. En cada curso disporás de dous exames oficiais para superar cada materia. Esas dúas oportunidades comprenden unha única convocatoria. A convocatoria enténdese esgotada tanto se a cualificación é suspenso como non presentado.

Na cuarta convocatoria de materias de grao o estudante poderás solicitar ser cualificado por un tribunal, sempre que concorreses ás tres convocatorias anteriores. O alumnado que esgotase as convocatorias previstas para cada materia, poderá solicitar, por unha soa vez, a dispensa do dito límite atendendo a razóns académicas ou persoais especiais. As peticións poderán ser resoltas favorablemente polo Reitor con base nas razóns alegadas polo interesado.

Os estudantes que continúen estudos deben matricularse de todas as materias pendentes (suspensas e non presentadas) dos cursos anteriores, ata un máximo de 75 créditos (neste máximo non computan os créditos relativos ao traballo fin de grao). Exclúense as optativas, xa que o estudante pode cambiar de optativas dun curso a outro. Non se pode matricular do último curso con materias pendentes de primeiro. Poderán matricularse do TFG ou TFM cando lle resten para concluír os estudos 75 créditos ou menos, sen contar os créditos dos citados traballos.

Admitirase unha renuncia sen causa por cada materia, o que suporía que non se consumiría esa convocatoria. A renuncia debe solicitarse nos períodos establecidos na convocatoria de matrícula. Tamén se pode solicitar a renuncia ao TFG/TFM cando non se cumpran os requisitos para poder defendelo. Ademais, poderán solicitarse, en calquera momento, renuncias por causas xustificadas cuxa concesión resolverá o Reitor.

Plan de acción titorial dos Graos en Economía e ADE

Estas accións están dirixidas a orientar aos estudantes dos Graos en diferentes aspectos da súa vida académica e do seu futuro. Algunhas das actividades programadas para o curso 2021/22 son as seguintes:

Acción	Destinatarios	Data
Acto de benvida	Alumnado de 1º curso de grao	06/09/2021 (diferentes aulas e horarios)
Sesións informativas e de fomento da participación dos estudantes na vida universitaria (delegados de grupos, asociacións de	Todo o alumnado	Durante o mes de outubro

estudantes, órganos de representación estudiantil)		
Sesións informativas sobre o uso da Biblioteca e os seus recursos	Alumnado de 1º curso	Nas aulas durante as primeiras semanas do curso
Sesión de presentación da materia Traballo Fin de Grao (TFG)	Alumnado de 4º curso de grao	Sesión presencial/telemática durante as primeiras semanas do curso
Sesión informativa sobre as prácticas en empresas e institucións	Alumnado con 120 créditos superados	Mes de outubro e marzo. Datas por determinar
Sesión informativa programas intercambios (ERASMUS e SICUE)		En función da convocatoria

Alumnado titor do curso 2021/22:

Grao en Economía

Laura Pérez Pérez laura.perez.perez0@rai.usc.es

Grao en ADE

Iria Vázquez Arcos iria.vazquez.arcos@rai.usc.es

Tamara Alice Moscoso Palomino tamaraalice.moscoso@rai.usc.es

Javier Rey Lafuente javier.rey.lafuente@rai.usc.es

Rebeca Maceiras Pérez rebeca.maceiras@rai.usc.es

Jesús Rodríguez Loredó jesus.rodriguez.loredo@rai.usc.es

Prácticas en empresas e institucións

Unha vez que teñas superados 120 créditos poderás realizar prácticas en empresas e institucións. Estas prácticas serviránche para ter o teu primeiro contacto co mundo laboral no ámbito da economía e a xestión e administración de empresas e institucións e son unha boa forma de ir completando o teu CV.

As prácticas poden ser:

- curriculares (6 créditos como máximo), nese caso figurarán como unha materia optativa dentro do teu expediente académico ou
- extracurriculares (de 7 a 30 créditos) fóra do plan de estudos pero figurando no expediente académico e no Suplemento Europeo ao Título (SET).

En ambos casos podes obter un certificado oficial de realización destas prácticas.

A Facultade conta con máis de 170 convenios con empresas en institucións onde podes realizar as prácticas.

Existen dúas convocatorias de prácticas en cada curso, a primeira da que se realizará unha sesión informativa en outubro, cubre as prácticas que o alumnado realiza entre outubro e abril, a segunda da que se informa no mes de marzo/abril para realizar prácticas de maio a setembro. Polo tanto podes realizar as prácticas durante o período lectivo compatibilizándoas coas clases (podes solicitar cambio de quenda) ou durante os períodos de vacacións.

Responsable das prácticas na Facultade: Rosario Vidal Lopo

Programas de mobilidade

Tal vez queiras completar a túa formación académica na nosa Facultade cunha estada temporal noutro centro universitario, dentro ou fóra de España. No noso Centro temos convenios con numerosas universidades españolas (programa SICUE), da UE (programa ERASMUS) e incluso do resto do mundo (programa Convenios Bilaterais). Nos últimos anos, o noso estudantado aproveitou estes programas de mobilidade para estudar en destinos tan diversos como Polonia, Irlanda, República Checa, Francia, Alemaña, Australia, USA, Corea do Sul, Chile ou incluso China, entre outros.

Para poder optar a estes destinos, tes que ter **como mínimo un nivel B1 de idioma estranxeiro**. En moitos casos, o idioma solicitado é o inglés (países anglo falantes e países do leste de Europa), pero se queres estudar en Italia, Alemaña, Francia ou Portugal, seguramente precisarás acreditar o coñecemento da lingua respectiva destes países. Se o teu nivel de idiomas non é bo cando chegues á Universidade, aínda estás a tempo. Ponte mans á obra e poderás optar a unha experiencia formativa e vital inesquecible.

Responsable dos programas de mobilidade na Facultade: Pilar Murias Fernández

Actividades complementarias á docencia

Ao mesmo tempo que estudas o grao poderás completar a túa formación con diferentes actividades, moitas delas con recoñecemento académico. Atoparás información detallada en : <https://www.usc.gal/gl/servizos/sxa/Actividades.html>

- Idiomas, podes estudar no Centro de Linguas Modernas (CLM) da USC. Máis información en: <https://www.usc.gal/gl/servizos/clm/>. A acreditación de competencias lingüísticas poder ter un recoñecemento como créditos ECTS no teu expediente (ata 6 ECTS).
- Curso de competencias informacionais. A Biblioteca da Facultade organiza un curso básico e un curso avanzado. En caso de ser superado cada curso será recoñecido como 1 crédito ECTS (prazas limitadas). Máis información en: <https://www.usc.gal/gl/servizos/biblioteca/servizos/competencias.html>
- Fundamentos de Folla de Cálculo para Economía e Empresa. Nivel Medio. Este curso de Excel impartirase de forma virtual. Cando teñamos información detallada sobre datas e prazas enviarémola ao voso correo electrónico.

- A participación en actividades solidarias e de cooperación organizadas e supervisadas polo Servizo de Participación e Integración Universitaria (SEPIU) da USC (<https://www.usc.gal/gl/servizos/sepiu/>)
- Participación en iniciativas emprendedoras ou innovadoras: Concurso de ideas, programa ARGOS, ...
- Participación en actividades deportivas (<https://www.usc.gal/gl/servizos/deportes/>), culturais, etc.
- Conferencias, mesas redondas e debates que se realizarán ao longo do curso na Facultade. Este ano estas actividades poderán ser presenciais (con limitacións de aforo) e/ou telemáticas e serán anunciadas con antelación a través do correo institucional do alumnado e das demais canles de comunicación.

Mellora continua e xestión da calidade

Unhas das características da Facultade de Ciencias Económicas e Empresariais é o seu compromiso coa mellora continua. Para a consecución deste obxectivo é determinante que cada un dos membros da comunidade universitaria do Centro sexa corresponsable e considere como propio, cada cos seus dereitos e deberes, o obxectivo da excelencia. A información pública é un dos elementos esenciais de todo sistema de web da Facultade. Na páxina a información pública está dispoñible toda a información relacionada con este tema (plan estratéxico, accións de mellora, informes de seguimento e de acreditación das titulacións, e planificación e obxectivos de calidade....). Podes consultar a información relativa ao sistema de calidade do Centro :



<https://www.usc.gal/gl/centro/facultade-ciencias-economicas-empresariais/calidade>

Enquisas de opinión

Na Facultade realízanse diversas enquisas para coñecer o estado de opinión de diferentes colectivos do Centro.

Os resultados obtidos nesas enquisas son analizados polas diversas comisións do Centro co obxectivo de deseñar accións de mellora para os procesos de ensinanza e aprendizaxe.

A participación ampla dos diferentes colectivos, especialmente do alumnado, é fundamental para a validez dos resultados das enquisas.

Suxestións, queixas e reclamacións

Co fin de traballar na mellora continua do noso Centro tanto dende o punto de vista da mellora académica, administrativa, como da mellora das instalacións poderán presentarse suxestións, queixas e reclamacións.


Está habilitada no Centro unha caixa destinada á recepción de suxestións e queixas (no vestíbulo ao carón da conserxería e noutros puntos do Centro).

Tamén poderanse presentar escritos a través de correo electrónico ecoade.decanato@usc.es ou presencialmente no Decanato.

Instalacións

O edificio principal da Facultade é de 1977, posteriormente construíuse un anexo onde se sitúa a entrada/saída traseira e as aulas 7 e 8 e posteriormente unha ampliación.

A planta baixa principal recolle aulas e espazos cos principais servizos da Facultade (ver plano). Desde esta planta tamén existe acceso a tódalas aulas e despachos do profesorado.



Planta baixa principal (ver plano)

A planta baixa principal conta cas aulas magnas da facultade, Aula **A** (José Afonso), Aula **B** (Tomé), Aula **C** (Conde Corbal). E as aulas **7** e **8** que están moi preto da saída traseira.

- a: Decanato
- b: Conserxería
- c: Unidade administrativa de xestión e asuntos económicos
- d, g: Ascensores/escaleiras de acceso aos departamentos
- e: Aseos
- f: Salas de ordenadores (30 equipos informáticos) e sala de estudo e traballo en grupos
- h: Servizo de reprografía
- i: Salas de traballo en grupo
- j: Escaleiras e ascensor de acceso (parte de arriba) salón de graos, aulas 1 e 2, (parte de abaixo) aula ARGOS e locais de asociacións estudantís, aula 9,10 11, 12, 13, aseos e acceso á zona de ampliación
- k: Escaleiras de acceso (parte de arriba) as aulas 3, 4, 5 e 6, e (abaixo 14,15, 16 17,18 19 e 20) aseos e acceso á zona de ampliación

Zona da ampliación

Planta baixa: aulas de informática: i1,i2,i3, i4, i5, i6 e i7 e aulas 21, 22,23,24, 25, 26 e 27 e aseos

Planta superior: aulas 28,29 e 30 e aseos

En todo o Centro incluída a Biblioteca terá acceso á rede wifi.

Seguridade e plan de evacuación

As sinais de emerxencia poden ser de dous tipos:

Pitada continua	Emerxencia xeral: debe realizarse unha evacuación de todo o edificio
Pitada discontinua	Emerxencia parcial: debe realizarse a evacuación da zona afectada.



Atoparás cartaces informativos sobre as actuacións a realizar en caso de emerxencia e evacuación por toda a Facultade.

En caso de emerxencia que obrigue a evacuar a facultade ou unha zona da mesma **debes dirixirte** ao punto de encontro exterior máis próximo á saída pola que abandonaches o centro. Alí farase recento das persoas que estaban dentro do centro e comprobaremos que ninguén bota de menos a ningún compañeiro ou compañeira. OS puntos de encontro externos son:

Pola zona da porta principal → o parque que hai abaixo da facultade (Parque da música)

Pola zona da porta traseira → a explanada situada diante do Pabellón Lorenzo Latorre

É FUNDAMENTAL QUE TE DIRIXAS A ESTES PUNTOS DE ENCONTRO; NUNCA TE QUEDES DIANTE DAS SAÍDAS OBSTACULIZANDO O PASO E TAMPOUCO TE MARCHES SEN PASAR POLO PUNTO DE ENCONTRO!

Biblioteca

A Biblioteca de Ciencias Económicas e Empresariais é un dos 19 puntos de servizo da Biblioteca Universitaria. Podes atopar toda a información necesaria sobre a mesma na súa páxina web:

<https://www.usc.gal/gl/servizos/biblioteca/busc/centros/econempresa/>

Está situada na planta principal da Facultade e distribúese en tres andares arredor dun patio central. No andar principal atópase o mostrador de atención ao público e a sala de lectura con 348 postos. A sala permite o **acceso directo** aos libros de uso máis frecuentes. Para levalos en préstamo só tendes que achegarvos ao mostrador co exemplar e a **Tarxeta Universitaria de Identificación** (TUI).

Para utilizar a meirande parte dos servizos que oferta a biblioteca débese dar de alta a TUI como Tarxeta de Biblioteca no mostrador da Biblioteca. Se non se dispón da TUI pódese solicitar unha tarxeta provisional na Biblioteca que se deberá substituír posteriormente pola TUI.

Servizos ofrecidos pola BUSC , podes consultar

http://www.usc.es/export9/sites/webinstitucional/gl/servizos/biblioteca/busc/centros/econempresa/descargas/Guia_de_servizos_BUSC.pdf

Servizo de reprografía

O servizo de reprografía da Facultade permitirá imprimir toda clase de documentos e traballos.



Servizo de reprografía, edición e impresión dixital da USC

A maioría de documentos subidos polo profesorado atoparanse no taboleiro da entrada de reprografía cun número identificativo, o cal se poderá imprimir dentro do local de reprografía.

Tamén existe a posibilidade de empregar a túa **TUI** como método de pagamento nos puntos de impresión que atoparás en todo o CAMPUS.

Podes enviar dende calquera dispositivo documentos para imprimir no servizo de reprografía do Centro ao correo electrónico:

csd3@campusnanube.com

No curso 2021-22, o servizo de reprografía da Facultade dará Servizo a todo o Campus Norte e estará aberto de 9.30 a 14.30 e de 15.30 a 19.30 horas. Se precisas apuntes, imprimir... consulta na páxina **campusnanube.gal**.

Cafetaría- Comedor

A Cafetaría da Facultade ofrece servizo de comedor. Podes consultar a lista de comedores universitarios e os prezos en <https://www.usc.gal/gl/servizos/cafeterias/index.html>.

Horarios

Os horarios habituais da Facultade son de luns a venres:

Centro	8:00-22:00
Biblioteca	8:30-21:30
Servizo de reprografía	9:30-14:30 e 15:30-19:30
Servizos de xestión e administración	9:00-14:00
Cafetaría	8:00-21:00